



OPĆINA KAKANJ

Općinski načelnik

Broj: 02/1- 4535 /17

Datum: 27.07 2017. godine

MUNICIPALITY OF KAKANJ

Municipality Mayor

Na osnovu člana 64. stav (1) tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14 i 47/14), člana 3. i 8. stav 1. i 2. tačka c) Pravilnika o uspostavljanju i radu komisije za nabavke („Službeni glasnik BiH“, broj: 103/14), Rješenja o imenovanju Komisija za nabavke za 2017. godinu, broj: 02/1-166/17 od 18.01.2017. godine, na preporuku Komisije za javnu nabavku konstatovane u Zapisniku o pregledu i ocjeni ponuda, broj: 08/1-14-2758-1/17 od 25.07.2017. godine, u konkurentskom zahtjevu za dostavu ponuda – „Nabavka rezervnih dijelova sa ugradnjom za vatrogasna vozila“, Općinski načelnik kao ugovorni organ, d o n o s i

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za javne nabavke, broj: 08/1-14-2758-1/17 od 25.07.2017. godine i ugovor za nabavku roba rezervnih dijelova sa ugradnjom za vatrogasna vozila, dodjeljuje se ponuđaču **Zaimović d.o.o. Kakanj**, ponuda broj: 78/17 od 24.07.2017. godine, za ponuđenu cijenu od **9.988,00 KM** bez PDV-a, (odnosno 11.685,96 sa PDV-om), kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču, po proteku roka od 5 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Služba za opću upravu, radne i zajedničke poslove, lokalnu samoupravu i mjesne zajednice i Komisija za javne nabavke Općine Kakanj.

Član 4.

Ova odluka objavit će se na web-stranici Općine Kakanj, (www.kakanj.gov.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Na osnovu Odluke o pokretanju postupka javne nabavke roba - rezervnih dijelova sa ugradnjom za vatrogasna vozila, broj: 02/1-4023/17 od 04.07.2017. godine, Komisija je provela postupak javne nabavke, putem konkurentskog zahtjeva za dostavljanje ponuda, sa objavljivanjem Obavještenja o nabavci, broj: 792-7-1-17-3-14/17 od 11.07.2017. godine.

Procijenjena vrijednost javne nabavke je 10.000,00 KM.

Na protokol Ugovornog organa do roka određenog za prijem ponuda, pristigle su ponude sljedećih ponuđača:

1. S.O. „Autoservis“ Visoko, D. Zimča broj: 6, 71300 Visoko
2. „Zaimović“ d.o.o. Kakanj, 311. lahke brigade bb, 72240 Kakanj

Nakon otvaranja ponuda, Komisija je utvrdila :

Da je ponuđač S.O. „Autoservis“ Visoko dostavio ponudu u iznosu od 9.418,50 KM bez PDV-a, sa uračunatim popustom od 241,50 KM.

U daljnjem postupku ocjene ponuda utvrđeno je da navedeni ponuđač ne ispunjavaju uslove za kvalifikaciju iz sljedećih razloga:

1. Tenderskom dokumentacijom, u tački 2. (Način izrade ponude), propisano je sljedeće:

Ponuda se izrađuje na način da čini cjelinu.

Ponuda se čvrsto uvezuje na način da se onemogućí naknadno vađenje ili umetanje listova. Ponuda mora biti čvrsto uvezana i sve strane ponude numerirane (izuzev dokaza o garanciji za ozbiljnost ponude, te štampane literature, brošura, kataloga i sl.). Pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom. Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki sljedeći dio započinje rednim brojem kojim se nastavlja redni broj stranice kojim završava prethodni dio...

Ponuđač S.O. „Autoservis“ Visoko, nije dostavio ponudu na gore propisan način.

Ponuda nije čvrsto uvezana na način da čini cjelinu, nije ukoričena niti osigurana jamstvenikom. Dokumentacija je samo spojena heftaricom. Obrazac za cijenu ponude nije u sastavu ostale dokumentacije, nego je posebno dodat uz dokumente. Stranice ponude nisu numerisane na propisan način.

2. U tački 6. Tenderske dokumentacije propisan je period važenja ponude od 60 dana, računajući od isteka roka za podnošenje ponuda.

Uvidom u ponudu ponuđača, konstatovano je da rok važenja ponude određen do 31.08.2017. godine, (brojevima i slovima) što iznosi 37 dana.

3. Obrazac za povjerljive informacije (Prilog 3) dostavljen je djelimično popunjen, ali nije potpisan i ovjeren pečatom ponuđača.

U skladu sa navedenim konstatacijama, Komisija predlaže da se ponuda ponuđača S.O. „Autoservis“ Visoko, odbaci u skladu sa članom 68. stav (4) tačka i) Zakona o javnim nabavkama BiH.

Da je ponuđač „Zaimović“ d.o.o. Kakanj dostavio ponudu u iznosu od 9.988,00 KM bez uračunatog PDV-a, koja ispunjavanja uslova nevedene tenderskom dokumentacijom, te je ista ocijenjena formalno pravno, prihvatljivom.

Obzirom da je Ugovorni organ predvidio e-aukciju u obavještenju o nabavci i tenderskoj dokumentaciji, ista se ne može održati iz razloga što je zaprimljena jedna prihvatljiva ponuda.

Polazeći od gore navedenih konstatacija i činjenice da ponuda ponuđača „Zaimović“ d.o.o. Kakanj, u pravnom, tehničkom i ekonomskom smislu ispunjava zahtjeve ugovornog organa, Komisija je pristupila vrednovanju prihvatljive ponude shodno utvrđenom kriteriju: "**najniža cijena**" te je rang lista sljedeća:

r/b	Ponuđač	Cijena ponude bez PDV-a
1	„Zaimović“ d.o.o. Kakanj	9.988,00 KM

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da izabrani ponuđač „Zaimović“ d.o.o. Kakanj, u potpunosti ispunjava zahtjeve ugovornog organa utvrđene tenderskom dokumentacijom.

Data je preporuka ugovornom organu da se u predmetnom postupku javne nabavke roba rezervnih dijelova sa ugradnjom za vatrogasna vozila, izvrši dodjela ugovora navedenom ponuđaču za ukupnu ponuđenu cijenu od 9.988,00 KM bez PDV-a (odnosno 11.685,96 KM sa uračunatim PDV-om).

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 dana od dana prijema ove odluke, u skladu sa članom 99. i 101. stav 1., Zakona o javnim nabavkama BiH.

DOSTAVITI:

1. Svim ponuđačima u postupku nabavke
2. Komisiji za javne nabavke
3. Služba za opću upravu, radne i zajedničke poslove, lokalnu samoupravu i mjesne zajednice
4. U spis
5. A/a



OPĆINSKI NAČELNIK


Nermin Mahdra

